



**DN. DVRANDI|| à Sancto Portiano, in Senten=||tias
Theologicas Petri Lombardi|| Commentariorum libri||
quatuor.||**

Durandus <de Sancto Porciano>

Antverpiæ, 1567

Quæstio quinta. Vtrum anima Christi habuerit omnipotentiam.

[urn:nbn:de:hbz:466:1-72607](https://nbn-resolving.de/urn:nbn:de:hbz:466:1-72607)

Lib. III. Distinctio. XIV.

tamen quod minus perfecta superfluat, quia utramque perficit subiectum secundum modum suum, nec una minuit perfectionem alterius, & ideo licet cognitione beata similiter sit perfectior quacunque cognitione alia, eo quod est nobilioris obiecti, tamen alia cognitionis videtur esse in aliis quo perfectior quantum ad cognitionem rerum creatarum, quia per cognitionem beatam non cognoscitur de rebus, an sint, an non. Per aliam autem cognitionem cognoscit Christus de rebus an sint. Et similiter de mysteriis diuinis, de factis & cogitationis hominum, propter quod non superfluit, immo quo ad hoc perfectit, ut supplet id quod non habetur per cognitionem beatam.

QVÆSTIO QVARTA.
Vtrum in Christo fuerit scientia modo humano acquisita.

Thos. 3. q. 9. ar. 4. ad primum.

Poste que ritur vtrum in Christo fuerit aliqua scientia modo humano acquisita. Et videtur quod sic, quia Christus in scientia proficit secundum illud *Luc. 2. Iesu proficiebat sapientia, etate, & gratia apud Deum & homines.* *Ambr.* dicit quod proficiebat secundum sensum humanum. Sed constat quod non proficiebat quantitate ab scientiam beatam, nec quantum ad infusam, quia utramque starum habuit plenissime ab instanti sue conceptionis, ergo proficiebat secundum aliam scientiam modo humano acquisitam.

2 Item perfectio gratiae non excludit perfectionem naturae, sed ad perfectionem naturalem animae pertinet acquirere scientiam per experimentum & doctrinam, ergo scientia beata & infusa quae fuerunt in Christo per gratiam, non excludunt ab eo scientiam modo naturali acquisitam,

3 Ad idem est quod dicitur *Heb. 5. quod cum esset filius Dei didicit ex his quae pafus est obediens.*

4 IN contrarium arguitur, quia si in Christo est alijs scientia modo humano acquisita, ille modus est per doctrinam vel experientiam, non per doctrinam, quia sicut dicitur *Ioan. 7. Mirabantur Iudei dicentes, Quomodo literas scit cum non dicieret eas? nec per solam experientiam, quia illa scientia que est per solam experientiam vnius hominis acquisita est valde imperfecta, quod non est ponendum in Christo: ergo nullo modo fuit in Christo scientia modo humano acquisita.*

5 R E S P O N S I O . De hac questione sunt duo modi dicendi, non solum a diuersis doctribus, sed ab eodem in diuersis locis. Vnus est quod in Christo fuit scientia humana modo acquisita. Alius est quod in Christo non fuit alia scientia. Et tertius modus potest aliquatenus sustineri, facta tamen alia & alia suppositione.

6 Si enim ponatur quod omnis scientia infusa sit alterius rationis à scientia acquisita tunc potest probabiliter sustineri quod præter scientiam infusam fuit in Christo alia scientia naturali modo acquisita. Quia ex quo sunt diuersarum rationum vna non impedit quin alia possit sumi esse in eodem subiecto, nec aliquid perfectionis est afferendum à Christo quod inueniatur in aliis hominibus sicut est acquisitio scientia modo naturali.

7 Si autem scientia infusa & acquisita sint eiusdem rationis maxime eiudem obiecti tunc tenendus est secundus modus, scilicet quod in Christo non fuit aliqua scientia modo naturali acquisita. Suppositio autem videtur probabilis, quia sicut viuis naturaliter habitus, & per miracula restitutus est vnius rationis sic scientia naturaliter acquisita, & diuinus infusa videtur esse vnius rationis.

8 Quo supposito probatur tripliciter quod in Christo non fuit aliqua scientia acquisita. Primo sic, in eo qui haberiam habitum scientia per ea quae à sensu accepit non acquiritur nouus habitus eorum quae prius fecit. Alioquin duæ formæ eiudem rationis essent simul in eodem subiecto quod est impossibile: vel saltem vna superflueret, sed Christus habuit habitum scientie infusa per quam cognovit quicquid naturaliter est cognoscibile ut dictum fuit prius, ergo per ea quae à sensibus accepit non fuit in eo acquisitus habitus nouus scientie.

9 Secundum probatur idem sic. Sicut inconveniens est φ Christus accepit scientiam ab hominibus per auditum ita inconveniens est quod accepit scientiam per experien-

Quæstio III.

238

tiam ex rebus sensibilibus, sed omnes concedunt communiter quod inconveniens fuit Christum accipere scientiam ab hominibus per auditum, vel doctrinam eo quod ipse fuit datus nobis doctor, ergo inconveniens fuit quod Christus acciperet scientiam ex sensibilibus per experientiam, minor conceditur ab omnibus. Sed maior probatur, quia homo non accipit scientiam ab alio homine, nisi quia proponunt ei voces significantes rerum scibilem, ita quod homo docens non videtur esse nisi obiectum proponens. Et eodem modo res sensibiles se habent ad hominem, quia ex his tanquam obiectis sumit cognitionem per experimentum. Si ergo inconveniens est Christum accipere scientiam ab hominibus, quia in hoc videtur sua perfectio dependere ab hominibus eadem ratione videatur inconveniens Christum accepisse scientiam, à rebus per experientiam, si enim perfectio sua dependet à rebus.

10 Tertio, quia scientia quæ acquiritur per experientiam ex hoc φ sensibilia sunt praesentia sensibus, sed sensibus Christi pauca valde sensibilia fuerunt praesentia comparatione eorum quæ nunquam sensu percepit, ergo scientia hoc modo acquisita fuisse in Christo valde imperfecta, quod non est dicendum. Et si dicatur φ licet corporalibus sensibus Christi non fuerunt omnia corporalia subiecta. Ex his tamen que subiecta fuerunt poterit in aliorum notiā deuenire. Cum ex lumine naturali intellectus posset homo procedere ad intelligentium effectus per causas & econtrae. Et modo potuit Christus videndo corpora celestia comprehendere eorum virtutes & effectus quos habent in istis inferioribus licet eius sensibus non subiaceret. Non videtur, quia ex sola visione corporum celestium nulla potest comprehendere virtutem eorum, sed potius experientia effectuum loquendo de naturali cognitione hominis, de qua nūc agimus. Et ideo per experientiam habitam in quacunque re non potest haberi scientia de illis rebus, de quibus est experientia, vel de consumilibus secundum spēcim. Sic enim ex multis sensibus fit memoria, ex multis memoris experimentis. Ex multis experimentis vniuersale quod est principium artis & scientie, ut dicitur in proposito metaphysica, sic igitur videtur probabilitas in Christo non fuerit aliqua scientia modo humano acquisita.

11 A D rationes in contrarium. Ad primā dicendum quod profectus sive incrementum in scientia potest esse dupliciter. Vno modo quantum ad experientiam habitus, quia efficitur habitus interior, vel quia ad plura se extendit. Et ito modo Christus in scientia non proficit, quia omnia fuit secundum habitum ab instanti sue conceptionis quod perfecte sicut postea, & sic loquitur *Damas.* qui dicit quod qui proficeret dicens Christum sapientia & gratia, vnde dicitur *mentem sensus suscipientem non eam, quae est secundum hypothesis, vniione venerantur.* Alio modo est profectus in scientia quādam ad aliquā modum certitudinis. Sicut cū aliquis certus de aliqua cōcluſione per demonstrationem (puta de edipī) eam postea sensibiliter intuetur. Per hoc enim noua certitudo additur & præcedens confirmatur. Et hæc vocatur certitudo experimentalis, & quantum ad hoc crevit scientia, inquantum quotidie alia quæ videbat, quæ prius non videtur, licet ea sciret per scientiam sibi infusam. Et de hoc incremento loquitur *Evanđelista & Ambrosius*, vel potest dici profectus in scientia, sicut *Magister* exponit in litera non secundum se, sed quia maior de die in diem ostendebat hominibus, ex quibus magis manifestabatur sua scientia & gratia.

12 Ad secundum dicendum φ perfectio gratiae quæ est alterius rationis à perfectione naturae non excludit eam. Sed si per gratiam detur alicui perfectio quam posset acquirere per naturam, tunc ea data familiis non posset acquiriri, ne due forme eiusdem rationis sint similis eodem subiecto: per id quod dicitur ad *Heb. 5.* didicit, &c. quia hoc intelligitur solum quoad certitudinem experimentalē.

QVÆSTIO QVINTA.

Vtrum anima Christi habuerit omnipotentiam.

Thos. 3. q. 13. ar. 1.

C onfidenter queritur, vtrum anima Christi habuerit omnipotentiam. Et videtur quod sic. *Maryl.* dicit Christus, data est mihi omnis potestas in celo & in terra.

DURA
DIJ

Magistri Durandi de

terra, sed nomine coli & terra omnis creatura intelligitur secundum illud Gen. I. In principio creauit Deus caelum & terram, ergo Christus habuit poteriam super omnem creaturam, sed hoc est omnipotentia: igitur &c.

2 Item anima Christi habuit plenissimam gratiam virtutum & miraculorum, sed hanc habere non potuit, nisi haberit super omnem creaturam, quia omnis mutatio creaturae potest ad gratiam miraculorum pertinere, cum etiam corpora coelestia fuerint aliquando per miraculum a suo ordine transmutata: ergo anima Christi habuit poteriam super omnem creaturam, & sic idem quod prius.

3 Item fuit potentia Dei est infinita, ita & eius scientia: sed scientia respectu omnium est aliquo modo communicata animae Christi: ergo & potentia respectu omnium. Et haec est omnipotentia, ergo &c.

4 IN contrarium arguit quia potentia proportionatur essentiae in qua fundatur, sed essentia animae Christi non potest esse infinita, ergo nec eius potentia, sed sola potentia infinita est omnipotentia, ergo &c.

5 R E S P O N S I O. Præmittendae sunt duas distinctiones necessariae ad propositum. Et secundo eis positis respondet quod questionem.

6 P R I M A distinctione est, qd cum potentia sit principium transmutationis alterum, ut habetur, s. meta. Illud habet omnipotentiam quod habet principium per quod potest transmutare omne aliud a se secundum quodcumque genus transmutationis possibilis: est autem triplex genus transmutationis possibilis in rebus, loquendo de transmutatione largo modo. Una quidem naturalis, quae fit a proprio agente secundum ordinem naturae. Alio est miraculosa, quae fit ab agente supernaturali, super cursum consuetudinari. Tertia est secundum quod omnis creatura producta est de nihilo & veribilis est in nihilo. Illud igitur habet simpliciter omnipotentiam, qd habet in se principium, per quod potest transmutare omnem creaturam. Secunda distinctione est, qd in aliquam transmutationem aliquod agens potest dupliciter. Uno modo per potentiam in ipso formaliter existente. Alio modo non per potentiam in ipso existentem, sed per virtutem alterius ipsi assistente. postfumus enim non solum ea quae possumus per nos, & pervirtutem propriam, sed ea quae possumus per amicos, tanquam per potentiam nobis assistentem.

7 H I S suppositis dicendum est ad questionem, quod si loquamus de potentia animae Christi, qd est in Christo formaliter, & secundum se, sic anima Christi non habuit omnipotentiam, nec haberet potuit. Cuius ratio est, quia potest habet rationem principii effectuum, ut pater ex eius distinctione, qd est principium transmutandi, cui ergo non potest communicari qd sit principium omnium, illi non potest communicari qd habeat potentiam respectu omnium, sed anima Christi, vel cuiuscumque creature non potest comunicari qd sit principium omnium, quia hoc est proprium Dei, & secundum fidem, & secundum Philosophos: ergo ipsi non potuit comunicari qd haberet potentiam respectu omnium. Hec autem sola est omnipotentia, quare &c. Hoc etiam modo loquendo de potentia non video qd in anima Christi fuerit alia potentia naturalis, qd in ceteris hominibus perfecta. Cuius ratio est, quia potentia naturalis sequitur naturam in qua fundatur. Cum igitur natura animae Christi fuerit eiudem rationis cum ceteris animalibus, consequens est qd potentia naturalis in ipso & in ceteris animalibus fuerit eiudem rationis. Et ideo quantum fuit ex iis naturae anima Christi non habuit maiorem potentiam in immutatione proprii corporis, qd ceteri homines bene dispositi vel si maiorem habuerit (quia forte fuit melius complexionatus) talis maioritas non fuit secundum formam specificam, sed secundum intentionem in eadem specie. Si autem anima Christi ex virtute propria & naturali non habuit potentiam transmutandi corpus proprium, nisi secundum ordinem naturae, multominus habuit potestatem transmutandi naturam miraculose, seu transmutatione, quae est ex nihilo, vel in nihilo. Non solum autem anima Christi non habuit naturale potentiam hoc faciendo, imo nec supernaturale sibi inherenterem, per quam hoc facere posset. Quia omnis potentia supernaturalis data est Christo, vel perficiebat corpus eius ad actus corporales, vel animarum ad actus animae soli, vel ad actus corporis mediantibus actibus animae: non enim potest dici quod perfectio animae sit immediata ad actus

Sancto Porciano

corporis, cum eiudem sit potentia cuius est actus. Nulla autem potestia viderur data fuisse Christo quoad corpus ad secundos actus, quia vt patet in sequenti dist. qu. i. Christus per defectus corporis quos assumpsit, manifestavit se esse verum hominem, sicut per miracula manifestavit se esse verum Deum: ergo omnia miracula que fecit attribuenda sunt virtuti diuina, sicut omnes defectus quos habuit sunt referendi ad corpus. Et sic loquitur ipsemet Christus de miraculis suis Ioan. 5, dicens, Pater meus vsque modo operatur, & ego operor: & Ioan. 10. Opera quae ego facio in nomine patris mei, ipsa testimonium perhibent de me: illud inquam testimonium quod subditur, Pater & ego unum sumus. Et infra in eodem dicit, Si non vultis militare, operibus credite, vt cognoscatis, quia ego in parte, & pater in me est, & i. cap. eiusdem dicitur, Pater in me manens ipse facit opera.

8 Ex quibus clarè patet quod Christus faciebat miracula, & cetera opera quae sunt supra cursum naturae per virtutem diuinam, per quam est unum cum patre, & non per aliquam virtutem crearam sibi datam supernaturaliter perficiens ipsum ad huiusmodi actus. De claritate autem transfigurationis, & de ambulatione super aquas, per quam virtutem fuerint in Christo, dicitur infra. In Christo autem fuit aliquod donum supernaturalis, imo plura perficiencia anima eius ad actus proprios, qui sunt recte intelligentia, & bene velle, & ad actus corporales meritorios ex prioribus actibus imperatos. Ad actus autem supernaturales, puta ad transmutandum creaturam super ordinem naturae, nequaquam propter eandem rationem quae prius facta est, quia illa quae Christus fecit, supra homines fecit ad ostensionem sue dignitatis. Et ideo in ipso inquantum homo, non fuit aliqua virtus ad faciendum aliquid exterius super modum humanum, quamquam ad actus interiores perficiences personam in se habuerit multa dona super homines: pater ergo quid est sentiendum de potentia animae Christi, quae est in ipsa formaliter secundum se, sive sit naturalis, sive supernaturalis.

9 Si autem loquamus de potentia animae Christi non perficiens ipsam formaliter, sed solum assistente, secundum quod dicimus posse ea, quae per amicos possumus. Sic dicendum qd anima Christi habuit potentiam ad omnes mutationes miraculandas ordinabiles ad finem & fidem incarnationis. Cuius ratio est, quia sicut dictum fuit in praedictis, d. i. q. i. cui coperit primò docere ea quae sunt supra rationem humana competit habere potentiam facienda opera supernaturalia talem doctrinam confirmationis. Sed Christus coperiebat tanquam primo & principali doctori docere ea quae sunt supra naturalem rationem, maximè, quae pertinent ad salutem hominum, quae est finis incarnationis: ergo ipsi competebat habere potentiam faciendi opera supernaturalia talera doctrinam confirmationis. Hanc autem potentiam non habuit sibi formaliter inherenterem, vt probatum est, sed habuit sibi assistente, quatenus diuina virtus operatur talia, que confirmabant doctrinam humanam. Inter autem huiusmodi opera non continentur transmutationes omnium creaturarum ex nihilo in aliquid, vel ex aliquo in nihilo, quoniam virtus diuina humanitati Christi assistens posset tales transmutationes facere. Tum quia iste transmutationes latuerunt. Non enim potest sciri per certitudinem de aliquo de novo produceto, an esset productum de nihilo, an ex preexistente materia. Et similiter de eo quod definit, an sit corruptum, an adnihilarum. Tum quia per alias transmutationes miraculosas satis fuit Christi deitas declarata.

10 A D primum arg. dicendum qd omnis potestas dicatur fuisse data Christo homini ratione vniuersitatis, quia ille homo omnia poterat, non tamen inquantum homo, sed inquantum Deus. Et licet hanc potestatem Christus habuerit hoc modo ab instanti sua conceptionis, quia ex tunc fuit homo & Deus: tamen post resurrectionem magis innotuit hominibus. Ideo tunc dicitur fuisse data, modo quo res omnes dicuntur fieri quando innotescunt.

11 Ad secundum dicendum quod gratia virtutum & miraculorum fuit data Christo secundum quod homo, & cuius cuncti alii sancti, non vt propria virtute sibi inherente facerent miracula, sed per diuinam virtutem sibi assistenter,

Lb. III. Distinctio. XV.

& doctrinam eorum confirmantem, vel orationi & pre-
cibus eorum condescendentem.

12 Ad tertium dicendum est qd Christo non est communica-
ta omnis scientia simpliciter, sicut nec omnis potentia.
Non enim anima Christi scit quod Deus scit simpliciter no-
titia, saltem quoad infinita individua, quae Deus potest
facere. Et si sciuffet, non tamen propter hoc scientia eius
fuerit infinita intensius, sicut non est infinita ex eo qd cog-
noicit essentiam infinitam, scilicet diuinam. Si autem haberet
omnipotentiam, illa necessario esset & que infinita, sicut po-
tentia diuina. Cuius ratio est, quia potentia habet ratione
principi, respectu possibilium. Et quia omnis perfectio que
est in principiato, est eminenti modo in principio ideo
potentia que est respectu omnium possibilium, necessario ha-
bet omnem perfectionem possibilem eminenti modo quo
potest haberi: propter quod nulla potentia potest esse ma-
ior ea, vel perfectione. Scientia autem de natura sua non habet
rationem principi respectu possibilium. Et ideo non oportet
qd habens scientiam omnium habeat perfectionem omnium,
nec perfectionem omnium scientiarum, nisi quoad numerum scien-
tiarum, sed non quoad intentionem que magis se teneret ex par-
te scientiarum, qd ex parte scibili, quia qui habet perfectiorem
potentiam cognitum, perfectius cognoscit aliquam rem,
propter quod magis repugnat creature omnipotenti, per
quam aequaliter Deo non folum quoad numerum possi-
bilium, sed etiam quod ad perfectionem potentie, qd omnis scien-
tia, per quam si creatura aequaliter Deo quoad numerum
scibili, non tamen quoad perfectionem scientiarum.

Sententia huius distinctionis, X V.

in generali & speciali.

I Llud quoq pratermittendum non est. Superioris deter-
minavit Magister de his quae Christus cum natura hu-
mana assumpsit ad dignitatem pertinet. Hic determinat
de quibusdam assumptionibus ab eo, quae pertinent ad defectum.
Et dividitur in duas. Primo determinat de defectibus
quos Christus cum natura humana assumpsit. Secundo de
modo quo huiusmodi defectus in Christo fuerunt. 16. di-
ibi, hic oritur queſto. Prima est principalis questionis. Et
divideatur in tres. Primo ostendit qd Christus aliquos defe-
ctus cum natura humana assumpsit. Secundum ostendit qua-
si assumptionis causa ibi, hos autem defectus. Tertio exclu-
dit errorum ibi, sed quia nonnulli. Prima in tre, quia pri-
mo ostendit qd Christus accepit defectus penitentia, non culpa.
Et secundum qd non accepit omnes defectus penitentia, ibi sus-
cepto a deo. Tertio probat hoc ibi, Sed forte aliquis dicet.
Tertia pars que incipit ibi, Sed quia nonnulli, dividitur in
tres. Quia primo ponit veritatem & probat. Secundum op-
ponit in contrarium ibi, quod dā tamen reperiuntur. Ter-
tio solvit ibi, ne autem in sacris. Hac est divisio, &c.

2 IN speciali sic procedit. Et proponit primo qd filius
Dei naturam humana assumpsit passibilem, tam secundum
animam qd secundum corpus: & ut probaretur habere ve-
rum corpus, & veram animam accepit defectus corporis, vt
fame, siti, & huiusmodi; & defectus animi, vt tristitia,
dolor & huiusmodi. Declarat autem per autoritates Aug.
quomodo aliquid dictorum defectuum dicuntur esse anima.
Et dicit postea qd Christus assumpsit defectus penitentia, non
culpa. Non omnes defectus penitentia, sed illos quos ad salu-
tem pro redemptione hominis congruebat assumere, &
qui sue dignitatem non derogarent: & sic assumpsit simillam
nostram vestitutem, vt nobis infunderet suam nouitatem &
nostram duplam consumeneret vestitutem, scilicet culpam & po-
nit. Postea dicit qd si in scriptura reperitur quod Christus
Deus infirmitates nostras supererit prater peccatum, intel-
ligendum est de illis defectibus qui sunt non derogant di-
gnitati. Non enim assumpsit ignorantiam, que tamen non
semper est peccatum; nec accepit difficultatem ad bene ope-
radum, que sunt quidam defectus. Et postea probat hoc per
Aug. qui dicit qd Deus potuisset homini in naturalibus
constituere communicare predictos defectus abesse culpa.
Deinde subdit quod aliqui sunt defectus pure penitentiales,
quos Christus non assumpsit, quia non coelestunt tota
speciem, sicut sunt corporis & gratitudines, & vita, & febris
& cæsitas, & familia: ex quo concludit qd Christus assum-
psit illos defectus qui ei congruebant, & eos non contraxit
ex necessitate naturae, sed voluntate assumpsit ad opus re-
demptionis nostræ. Postea dicit qd quidam heretici nega-

Quæſtio I.

239

uerunt Christum assumptum humanam naturam & passibili-
lem. Cuius oppositum tamen primò probat per autoritates
euangelii, & sanctorum: deinde arguit ad oppositum per
quedam dicta Aug. qd Christus non videtur timuisse, nec
tristitia habuisse. Et quod dicitur in Euang. qd ipse timuit,
vel tristitus fuit, non intelligitur de Christo, sed de mem-
bris eius. Ad hoc respondet tripliciter. Primo quod non
habuit timorem, vel tristitiam inheretem, sed voluntariæ
assumptionis. Secundò quia non habuit ista per modum
passionis, sed propassionis. Tertiò, quia non habuit cau-
sam timoris vel tristitiae, hoc est, peccatum, sicut nos habe-
mus. Et declarat quid est passio, & propassio, quia passio
perturbat rationem. Propassio vero non Postea obicit
per Hylarium, cuius verba longa ponit, & postea expos-
nit, vt pater in litera. Et in hoc terminatur, &c.

QVÆSTIO PRIMA.

Vtrum Christus debuerit assumere naturam hu-
manam cum defectibus corporalibus.

Tho. 3. q. 14.

C irca distinctionem istam queritur de defectibus quos
Christus cum natura humana assumpsit. Et primò de
defectibus corporis, vtrum scilicet Christus debuit as-
sumere naturam humanam cum defectibus corporalibus,
& videatur quod non. Quia persona non debetur nisi culpa,
sed in Christo non fuit aliqua culpa, nec originalis ut pa-
tit supra, nec actualis secundum illud Pet. 2. Qui pecca-
tum non fecit, ergo nec defectus corporales cum sint pa-
rales debuerunt esse in eo.

2 Item illud non debuit esse in Christo quod praestabat
impeditum fidei incarnationis, sed per huiusmodi de-
fectus praestabatur maximum impedimentum fidei incar-
nationis, ergo tales defectus non debuerunt esse in Chri-
sto. Minus probatur primò quia per huiusmodi defectus
corporales homines impediabantur ab eius cognitione
secundum illud Esa. 52. Vidimus eum & non erat affectus
& desiderium eius despectum & nouissimum virorum,
virum dolorum & scientem infirmitatem, sequitur unde
non reputamus eum. Secundò quia desiderium sanctorum
patrum de eius aduentu non videbatur completum.
Cum in persona eorum dicatur Esa. 51. Confluge confluge
inducere fortitudinem brachium domini. Tertiò, quia
venerant ad diabolum vincendam, vincere autem est opus
fortitudinis non infirmitatis, quare &c.

3 IN contrarium arguitur primò per illud quod ha-
bitur Heb. 2. Quod debuit per omnia fratibus assimila-
ri, sed in nobis sunt multi defectus corporales, ergo omnes
illos defectus debuit assumere.

4 Secundò quia Damas. dicit quod illud quod est in-
assumptionib; est miraculus, sed Christus venit ut curaret
omnes defectus nostros, ergo omnes illos debuit assu-
mere.

5 R E S P O N S I O. Circa questionem istam viden-
da sunt tria. Primum est an Christus debuerit naturam hu-
manam assumere cum defectibus corporalibus. Secundum est supposito quod sic, vtrum cum omnibus vel solum cum
quibusdam. Tertium est vtrum illos defectus contraxit,
vel sponte assumperit.

6 Q V A N T U M ad primum dicendum est quod
Christus debuit assumere naturam humanam cum defec-
tibus corporalibus quod patet tripliciter. Primo ex fide
incarnationis sic, ad hoc Christus assumpsit naturam hu-
manam ut pro peccatis nostris satisfaceret & nos redime-
ret, sed hoc non poterat fieri nisi assumpsisset naturam
humana cum defectibus corporalibus, igitur, &c. Mi-
nor probatur, quia satisfactio fit per opera penitentia.
Sed corpus quod non subiacebat defectibus non est sub-
iectum penitentia, ergo si Christus assumpsisset corpus sine
defectibus corporalibus non potuisset pro nobis satis-
facere. Secundò pater idem ex fide incarnationis que est
necessaria ad salutem, & ideo debuit per Christum in no-
bis adificari, sed si Christus naturam humanam assum-
psisset sine defectibus corporalibus magis destruxisset in
nobis fidem incarnationis quam abstraxisset, quia natu-
ra humana non est nobis nota nisi prout subiaceat talibus
defectibus, ergo decuit quod Christus naturam nostram
assumeret cum talibus defectibus. Tertiò quia decuit
quod